

SANITÉ: L'ater lönesc, ai 9 de dezëmber, danmisé é le dotur Eduard Agreiter demez y vëgn sostitúí dala doturia Grete Mahlknecht 349 06 67 034

PLOANIES SAN MARTIN Y LUNGIARÜ

Dales 19.00 de chësta pröma domënia d'Advënt sona les ciampanes che nes inviëia da s'abiné tles ciases a s'architè n momënt, a ascuté la Parora de Dî y a perié deboriada. Propostes por na devoziun ciafëise tl liber nü "Laldun le Signur" ai numeri 29 y 30, o tl liber vedl SYN ai numeri 94,95,96 y 97 o ince tl Sonntagsblatt.

SAN MARTIN

La Uniun dles Ères inviëia dotes les ères en domënia, ai 8 de dezëmber, ala gran mëssa y dedò a gosté ia tl salf di stödafüch por sté adöm y s'la cunté. Al ti gnará ince surandé na picia scincunda ales ères che dëida romené sö la dljia.

San Micurá vëgn indò a tlocoré pro porta ai 5 y ai 6 de dezëmber. Prëibel sc'i se prenotëis pro Natalie (389 18 15 398) cina en lönesc, ai 2 de dezëmber.

Marcé da Nadé tla scora elementara da San Martin incö domënia che vëgn tigní do la gran mëssa cina misdé. Le davagn vá ala "Kinderkrebshilfe".

Düc/Dotes i/les Seniors/es da San Martin y d'Antermëia é dër bel inviá al Rorate tla dljia a San Martin en domënia, ai 15 de dezëmber, dales 10,00, y dedò marëna tla ostaria Al Bagn Valdander. I piun ia dal zënter da San Martin dales 11.45 - Le cost é de 25,00 €. Prëibel prenotësse pro Leo Crepaz 348 40 96 351 cina en dedemesaledema ai 11 de dezëmber.

LUNGIARÜ

La Uniun dles Ères y ince les families cun mituns é bel inviádes ala Liturgia dla Parora en Santa Maria, ai 8 de dezëmber.

Dedò inviëia la Uniun dles Ères dotes les ères dër belia tl salf dl paisc a gosté. I sperun da podëi ves saludé tröpes! - - - - -

La Staziun di Carabinieri d'Al Plan inviëia la popolaziun a na sèra de informaziuns sura "i prighi da gní ingianá y trapolá da porsones che tlocora a porta, por telefon y por internet" en dedemesaledema, ai 4 de dezëmber, dales 17.00 ales 19.00, tl salf dles manifestaziuns a Al Plan.

Döt le bun a chi che complësc i agn de dezëmber

a San Martin Giovanni Frenner che nen complësc 82 ai 5
Maria Sorà Clara che nen complësc 81 ai 8
Emma Sorà Schuen che nen complësc 80 ai 19

a Lungiarü Pius Clara dl Maier che nen complësc 80 ai 7
Augusta Clara Deiaco che nen complësc 81 ai 7
Angela Sorá Daporta che nen complësc 87 ai 27



unitepastoral.org

Plata dles Ploanies San Martin y Lungiarü

ploan siur Klaus Sottsas 344 15 54 055 - klsottsas@rolmail.net
redaziun: anton.gasser@rolmail.net - 348 27 44 517 / 0474 523



01.12.24 - 08.12.24 n. 01

termo por comunicaziuns: jöbia, dales 20.00

PRÖMA DOMËNIA D'ADVËNT - C

Vangele do san Lüca 21, 25–28.34–36

Al apariarà sègns te sorëdl, tla löna y tles stères y söla tera sarà i popui plëgns de tēma y de spavënt por le rausciamënt y le drumblamënt dl mer. La jënt se desfantarà dala pôra, aspetan les cosses che vëgn sura la tera: cíodiche les potënzes dl cil gnará scassades decà. Spo odaran le Fi dl Om gnón te na nìora cun gran potënza y gloria. Canche döt chësc mēt man, spo derzësse sö y alzede le cé; deache osta sal-vëza é daimprò. Metede averda che inciocades y sboaciades y i fistidi da vignidé ne ves inciurnësces nia y che chël dé ne ves tomes nia ados sciöche na tēnora; deach'al gnará sura düc i abitané de döta la tera. Stede muntri y periede demeztrù, ch'i podëise ti sciampè a döt cí che sozed y ti jì adincuntra al Fi dl Om.




Les prömes comunités cristianes minâ che le Règn de Dî foss gnü defata cun n tēmp de catastrofes y de meseria che ti foss jü danfora. Insciö gnòl araté veres, ciaresties, porsecuziuns y ince la desdruziun de Ierusalem sciöche sègns che le tēmp vedl jiss a fin.

Mo cotan plü important co chësc scenar de de gragn spavënc é l'invit: Derzësse sö y alzede le cé, stede muntri y periede demeztrù!

Avëi n cör munter por la jënt dlungia nos y insciö ince por Chël Bel Dî! Vire cun atenziun y se mēte averda ince a nos instësc.

Chësc dess ester ci che caraterisëia i cristians.

L'esortaziun dl Vangele é ota a nos credënc te nosta vita da vigni de, sègn, y nia pormó püch dan la fin. (T.D.)

EDEMA - B	SAN MARTIN	LUNGIARÜ	L'ANN LITURGICH "C"
01.12.24 1ª DOMÈNIA d'Advënt - C <i>Domènia dla Dlijia te ciasa dales 19.00 sona les ciampanes</i>	9.30 Corona por vocaziuns 10.00 Gran Mëssa por la Comunità Benedisciu dles gherlandes Rorate por les families por families de Albert Moling de rengr. fam. Alfred y Paula Castlunger de rengr. fam. Alex y Manuela Zingerle + Franz Planatscher + Mariangel Tavella	7.50 Corona 8.15 Gran Mëssa por la Comunità Benedisciu dles gherlandes Rorate por la Uniun di Seniors por fam. de Othmar Castlunger dl ann + Sisto Clara + + + Nisio, Milia y Pire Clara 14.00 Bato de Tina Clara de Monica y Florian	L'ANN LITURGICH "C" Tl ann liturgich nü "C" che mët man incö cun la pröma domènia d'Advënt aldiarunse les domènies tesé fora dl Vangele do san Lüca. Chësc é le terzo vangele, che á surantut na buna pert dai vangeli do san Matí y san Merch y da na racoiüda de parores de Gejú nia plü conosciüda. Chësc vangele é gnü scrit por grech ti agn 80-90, do la tradiziun di pröms cristians, da san Lüca che ê n pagan diventé cristian y che á por n pez acompagné l'apostul Paul.
02.12.24 <i>Luzius, Bibiana</i> Lönesc		7.45 Mëssa di scholars + Agnese Schanung + + Giovanni y Maria Dapoz	Al ciara indô ala desdrüta de Ierusalem y n'aspeta nia plü sciöche i atri vangelisé che l'avënt de Crist sozedes tan atira.
03.12.24 Dedolönesc <i>Franz Xaver, Emma</i>	19.00 Mëssa/Rorate por fam. Gustl Trebo por fam. Caterina Trebo por i benefaturs dla dljia da Picolin + + Tone y Pire Unterweger		Al nes cunta particularités ch'i ne ciafun nia altró por ej. les paraboles dl bun samaritan, dl fí pordü, dl aministradú prudënt, dl farisé y dl publican. Al contëgn deplü oraziuns y inns: Magnificat (1,44-55), Benedictus (1,68-79), Dimittis (2,29-32) y indicaziuns importantes sön le deport de Gejú defrunt a ëres, a piciadus y ince momënc significatifs tla pasciun.
04.12.24 <i>Barbara,</i> Dedemesaledema		19.30 Mëssa/Rorate por families de Rosalia Pedevilla por familia de Franzl Schanung	
05.12.24 Jöbia <i>Anno, Reinhard</i>	19.00 Mëssa/Rorate (<i>cianté da n terzet</i>) en onur di Agnui Custodi por benefaturs y jënt dla Ciasa de Palsa + Pepi Deiacio, Larjëi, dl ann		Cun les perts particulares che le vangelist Lüca arcuncia ite te so vangele nes presentëiel te Gejú le salvatur di descreditá, di emarginá, dles ëres, di publicans y di piciadus. Gejú desmostra te na maniera sterscia l'amur che Idí á por la jënt.
06.12.24 <i>Micurá, Dionisia</i> Vëndres	18.30 Adoraziun chîta 19.30 Adoraziun deboriada		La vita de nos cristians dess se concentré sön le sorvise ai atri fat cun amur, che é da ti porté ince ai foresé y ai nemisc, y che se desmostra ince tl raport cun nosc avëi y nosta richëza. Te süa vita y te süa mort nes mostra Gejú coch'i dessun vire.
07.12.24 Sabeda <i>Ambroje, Maria Iosefa</i>	18.30 Mëssa prefestia Rorate por la Uniun dl Sport por fam. Ludwig y Herta Rungger vis y def. families Frida Videsott	19.00 Mëssa prefestia/Rorate por fam. de Costa Monica por düc i def. de Costa Monica dl ann + Vito Clara + Franz Frenademez	Cun Gejú röia la storia dla salvëza ala colm. Lüca mët la storia de Gejú ite tla storia dl monn. Nia l'imparadú da Roma n'é le portadú dla pesc, mo Gejú é le dër salvatur dl monn: "Incö ves él nasciü le salvatur" (2.11) <i>da Katholische Bibelanstalt</i>
08.12.24 SANTA MARIA IMACOLADA	9.30 Devoziun a Santa Maria 10.00 Gran Mëssa por la Comunità Rorate por la Uniun dles Ères + Giovanni Rubatscher, dl ann + Giovanni Unterweger + Paula Ploner Trebo, dl ann	7.50 Corona 8.15 Liturgia dla Parora por la Uniun dles Ères cun y por les Families cun mituns	
 I periun do l'intenziun dl Papa por le mëis de dezëmber I periun che l'Ann Sant 2025 nes renforzes tla fede y nes dëides da conësce amesa nosta vita Crist ressorí y fejes fora de nos peregrins dla fede cristiana.			